

# Payroll deduction explain

Gaed fo PALM skem wakaman



## Deductions taem iu stat waka

Fo mekem kakam blong iu lo Australia hemi isi, waka blong iu bae peim samfala samting fo iu. Bae iu mas peim bak olketa cost ea.

Olketa costs ya save peim bak go lo waka blong iu lo olketa deductions from pei blong iu insaet lo fest 12-16 wik. Olketa bae spredim aot lo samfala pei dei, fo meksua iu bae garem seleni stap fo mitim stap blong iu.

**Hem impoten fo save lo fest 12-16 wik (o lelebet long taem), iu bae no garem inaf seleni left lo pei blong iu fo sendem go lo hom.**

### OLKETA DEDUCTIONS HEMI EXPLAINIM INSAED LO OFA FO WAKA, EN OKETA SAVE OLSEM:



Cost fo flae blong iu go long Australia en cost blong transpot lo airpot go kasem haus fo stap en kasem ples fo waka.



Visa aplikason cost



Stat waka costs, osem medikol examinasons, vaccinations o drug tests.



Lelebet smol selen advans fo helpem iu setap biffo fest pei blong iu.



## Olketa deductions wea bae gohet lo pei blong iu

**Nomata fest 12-16 wik en olketa fest cost iu peim finis, bae samfal selen waka blong iu bae gohet fo aotim from everi pei.**

Cost lo stat en olketa expens (deductions) hem bae difren raon lo Australia, lo waka ples en even lo membis lo sem tim. Hem dipend nomoa lo situason.

### EXAMPOL LONG DEDUCTIONS WEA BAE GOHET HEMI SAVE OLSEM:



Haus fo stap (en samfal taem Bond), sapos waka ples blong iu stretem.



Helt Insuarens (wanfala nid fo visa blong iu)



Kaikai (sapos olketa givim)



Selen fo transpot (fo go waka en go bak haus, en samfala taem fo iu seleva).



Bill lo haus osem Utiliti (electricity, gas, wata), intanet, furniture, en haus klinas en gardeners. Lu mas save disfala selen hem insaet rent blo wan wik o oketa bae putum osem difren selen lo deduction.

## IMPOTEN

Waka blong iu save deductim nomoa  
seleni lo pei blong iu wea  
iu agri lo hem lo raeting en  
sapos hem fo gut blong iu.  
Kipim kopi lo eni fom wea  
iu saenim fo rekod blong  
iu en fo helpim iu sapos iu  
garem eni kwesten.



## Tru deductions hemi save difren from deductions lo Ofa leta blong iu

Samtaems tru cost blo samfala samting bae no save biffo iu araev lo Australia, exempla,  
haus fo stap en flights waka blong iu nao bukim taem visa blong iu hemi apprav, so amaont  
oketa putum insait lo Ofa Leta blong iu hem estimait {raf kalkulaison nomoa}.

Taem iu stat waka bae wakaples blong iu bae givim iu niu payroll deduction fom (o Ofa fo  
waka) fo saenim wea hem aotlaenim olketa tru costs en deductions. Iu nid fo agri lo eni niu  
o chenj deductions. Meksua iu save everi niu samting ya biffo iu saenim

Sapos iu no andastanim niu offer lo waka blong iu, plis tok wetem team lida o waka  
blong iu. Iu save also kontaktim PALM skem sapot sevis laen lo (1800 51 51 31), kolem  
Fair Work Ombudsman (13 13 94) o union blong iu sapos iu wanfala memba.

## IMPORTEN

Sapos iu waka  
lo horticulture  
olketa aoa iu waka taem  
blo harvest maet afektim.  
Waka blo iu bae chenjim  
deductions blo iu fo iu  
garem enaf selen fo kaikai  
en living blo iu. Iu maet  
no save sendem selen go  
hom lo famili blong iu lo  
olketa taem olsem.



Sapos iu garem  
eni kwesten  
abaotem pei  
o deductions askem  
waka blong iu festaem.

## Wat iu nidim fo save abaotem nao wesis blong iu

- Bae olketa peim iu lo wik o fotnaet (evri 2 wiiks) - ofa blong iu fo waka bae garem disfala infomason
- Bae iu stap 1 tu 2 wik biffo iu tekem fest ful pei blong iu.
- Waka ples blong iu save wait kasem taem iu tekem ful pei biffo olketa statim nao deductions.
- Samfala waka ples mait givim iu long taem lelebet fo peim bak deductions.
- Olketa deduction amaont bae nid fo so aot nao long pei slip blong iu.

## Liv en entaetolmen

Pei blong iu bae smol sapos iu tekem taem off from waka. Full-taem en pat-taem  
wakaman entaetol fo sik liv en annual liv, en olketa liv ea save biuldimap folom taem.

Casol wakaman save tekem taem off from waka sapos siki, bata bae no tek pei en no  
save biuldimap annual liv. Lo daon nao olketa annual liv en sik liv entaetolmen

## Annual liv fo peim

- Full-taem wakaman: 4 wiiks lo yia (20 waka deis).
- Pat-taem wakaman: 4 wiiks lo yia (adjusted fo pat-taem aoa lo wik).
- Casol wakaman: no

## Sik liv fo peim

- Full-taem en part-taem wakaman: 10 deis lo yia.
- Casol wakaman: no

## Transpot



Cost blong transpot fo go lo waka en go from waka bae difren from waka man or mere lo  
difren ples lo Australia. Waka blong iu bae save arrangim transpot fo iu travol fo waka en  
from waka o iu maet iusim publik transpot o bicycle o oganaesim vehicle blong iu seleva.

Sapos iu hirem vehicle from employer blong iu, bae iu no onam vehicle ia taem kontrakt  
blong iu finis. Cost fo hirim vehicle hem kavam: running costs (insuarens, registration, parts,  
en maintenance). Iu Pei fo fuel (average lo wan wik from \$50 -\$150) hemi bae extra wea iu  
nid fo peim o oketa bae save putum insaet. Chekem waka ples blong iu.

Evri transpot wea waka blong iu arrenjim mas seif en no praes no hae tumas.  
Iu garem raet fo chusim on transpot arrenjment taem iu stap lo Australia.



## Haus fo stap

Waka blong iu bae faendim haus fo stap wea hem seif, praes hem fitim fo peim, en hem  
kolsap lo wakaples, bata hem dipen lo wanem nao hem stap kolsap lo datfala taem.

Cost lo haus hem difren dipen lo olketa samting olsem ples hem stap, saes en taep haus,  
sapos hem garem furniture, intanet o utiliti. Diswan hem minim iu bae peim difren amaont  
from nara pipol lo tim blong iu.

Iu garem raet fo chusim on haus fo stap taem iu setol lo Australia, bata sapos iu plan fo  
muv aot iu mas talem lo waka ples fest taem biffo bae iu muv aot. Waka ples blong iu bae  
letem iu save hao meni wiiks notis iu nid fo givim biffo iu muv aot.

Staka haus fo stap oketa garem bond peiment lo stat. Sapos iu spoilem propeti disfala  
bond ia nao bae olketa iusim fo cost fo ripea.


# Exampol lo wan wik cost fo wakaman

## Deductions lo fest 12-16 wiks lo waka

Diagram lo down som raf estimates lo olketa taep lo deductions wea bae kam aot lo wan wik wesis blong iu fo peim bak fest setap costs osem: Flights<sup>1</sup>, visa aplikason, pre-employment costs en cash advans.

Diagram ea som saes blo selen wea save spendem lo olketa ya.

Olketa costs ea bae peim bak go lo waka blong iu lo olketa deductions from pei blo iu lo fest 12-16 wiks.



1. Plis tek not, cost blo flights fo Australia hem diffren from eni kaontri.


# Exampol blo wan wik costs fo wakaman

## Expens afta evri fest setap costs hem pei bak

Cost fo stap insaet lo Australia hem save expensif winim moa hom kaontri blong iu. Lu redi fo pei moa lo evri dei items olsem kaikai, haus fo slip en transpot.

Diagram lo daon bae givim iu gufala aedia lo wan wik costs bae kontiniu afta iu peim bak fest setap costs.

Diagram ea som nao saes lo selen wea save spendem lo eni item.



## Wanem fo duim sapos iu no save gud lo pei slip blong iu

Tok wetem waka blong iu festaem. Sapos iu garem eni nara kwesten traem narafala tings olsem

1. Tok wetem Liaison Ofisa blong iu o Pasifik o Tomor-Leste leba sending unit representif
2. Kontaktim Pasifik Leba Mobiliti (PALM) skem sapot sevis laen lo (1800 51 51 31 - free call).
3. Kontaktim Fair Work Ombudsman (hemi independent statutory ofis blong Australian gavman wea save givim fri help) lo 13 13 94. Fo infomason abaotem deductions luk lo: <https://www.fairwork.gov.au/pay/deducting-pay-and-overpayments>.
4. Kontaktim union blong iu sapos iu memba.



## Cost fo stap insaet lo Australia

Cost fo stap insaet lo Australia hem moa expensif from hom kaontri blong iu. Redi fo pei moa fo evride tings olsem kaikai, haus fo stap en transpot.

Lo daon hem list blo simpol shopping tings wea hem stap insaet Australian supamakets.

Plis teknot: disfala list hem raf gaed nomoa. Olketa praes blo different tings hem difren dipen lo ples iu stap, season en sapos hem stap.

Iu save iusim disfala list fo wakem wanfala wan wik budget. Samtaems hem chip fo baem guds lo bikfala saes. Iu maet also laek iusim onlaen currency conversion tool (e.g. [www.oanda.com](http://www.oanda.com)), fo wokem aot hao mas olketa items ea hem cost lo currency blo iu!

**Sample cost lo items from wanfala Australian supermarket**

Item: Milk, 2L Cost: \$2.80		Item: Eggs, Wan dozen Cost: \$4.00-\$7.00		Item: Bata, 250g Cost: \$3.00-\$5.00	
Item: Potato Cost: \$3.00-\$5.00 wan kg		Item: Swit potato Cost: \$3.00-\$5.00 wan kg		Item: Tomato Cost: \$8.00-\$10.00 wan kg	
Item: Carrots Cost: \$2.00 wan kg		Item: Kabis, whole Cost: \$7.00		Item: Frozen vegetabol, packet Cost: \$3.00-\$5.00 wan kg	
Item: Chicken (whole raw) Cost: \$7.00-\$10.00		Item: Bred, 700g loaf Cost: \$3.00-\$5.00		Item: Appol Cost: \$3.00-\$5.00 per kg	
Item: Tin corned beef, 340g Cost: \$2.50		Item: Flawa, 1kg Cost: \$1.50		Item: Orenj jus, 2L Cost: \$5.00	
Item: Beef Cost: \$16.00-\$26.00 per kg (depen lo cut blo meat)		Item: Canned tuna, 95g Cost: \$1.00		Item: Banana Cost: \$2.00-\$5.00 wan kg	
Item: Sausej Cost: \$12.00-\$14.00 wan kg		Item: Mince meat Cost: \$13.00-\$19.00 wan kg		Item: Fish, barramundi Cost: \$18.00-\$25.00 wan kg	
Item: Rice Cost: \$2.00 per kg		Item: Instant noodles, 5 pack Cost: \$4.00		Item: Tea bags 100 pack Cost: \$3.00-\$5.00	
Item: Pasta, 500g Cost: \$1.50		Item: Canned beans, 400g Cost: \$2.00		Item: Instant koffi, 200g Cost: \$8.00	
Item: Toilet pepa, 20 pack Cost: \$12.00		Item: Laundry detergent, 1L Cost: \$3.00		Item: Toothpaste, 140g Cost: \$2.50	
Item: Shampoo 350ml Cost: \$6.00		Item: Sop 5 pack Cost: \$4.00		Item: Deodorant, 250ml Cost: \$4.50	



Australian Government

**Australian Aid**